



Kopano ya lelapa

African Storybook

Thulisile Shongwe



Sesotho (South Africa)


First paragraphs



Re na le kopano ya lelapa.

Ho na le ntate, mmangwane Pula, malome Chavani, Eddie, Attie, nna le nkongo.

Ke nna ya monyenyane ho bona bohle.



Seyalemoya lapeng leso se bulelwa matsatsi
ohle ho tloha hoseng ho fihlela bosiu. Re
mamela ditaba ka nako tsohle.

Re utlwile kajeno hore dikolo di tlo bulwa bekeng
e tlang.



Dikolo di ne di kwetswe dikgwedikgwedi ka
lebaka la ho kwalwa ha naha.

“Ba lelapa, re lokela ho nka qeto mabapi le ho
kgutlela ha bana dikolong,” ke ntate a qala.



Mmangwane Pula o kgathatsehile. "Ha dikolo di bulwa ho bolela hore batho ba bangata ba tlo tshwaetswa.

Dintho di ka mpefala," ho rialo mmangwane.



"Ke tshaba ho tshwarwa ke bolwetse bona," ke Attie eo.

"Ha re emeng dibeke tse pedi re bone hore ho tla etsahalang sekolong. Ha jwale pherekano e sa le ngata."



Ntate a re, "Ke tshohetse nkongo.

Ha bana ba ka fumana bolwetse bona mme ba
bo tlisa hae, nkongo o tla ba tsietsing."

Nkongo a oma ka hlooho.



Nkgono o se a tsofetse. O na le lefu la tswekere
le la pelo.

Ke tshohile haholo. Ke tshohetse ba lelapa la ka.



Malome Chavani yena a re, "Ke nahana hore bana ba dule hae, ba sireletsehile. Ha re beng butle re shebeng hore na dikolo di malala a laotswe ho ka amohela baithuti."

Bohle ba dumela, ntle le Eddie.



"Ke lokela ho ya Sekolong se phahameng
selemong se tlang.

Ha ke tsebe hore ke tla kgonà ho qeta mosebetsi
wa sekolo ohle.

Ho ithuta inthaneteng ho a nthatafalla," ho rialo
Eddie.



Ha ke a kgathatseha ka ho salla morao
mosebetsing wa sekolo.

Ke kgathatseha ka botho, ka hore re tla
phedisana jwang jwale?

Re lokela ke ho tobana le bothata bona mmoho.

—Dipotso

1. Ngola ditlhaloso tsa mantswe ana: tshwaetso, botsofe, thibelo, botho.
2. Hlalosa hore ho bolelang ho 'kgathetseha ka botho'.
3. Onahana hore lelapa le nkile qeto efe? Hobaneng?
4. Maloko a lapa leno ke bo mang?
5. O ile wa ikutlwa jwang ha o kopana le metswalle ya hao sekolong ka mora *Covid-19*?
6. Ntle le lefu la tswekere, ke maemo a fe a mang a mane a ka fokodisang masole a mmele wa motho?
7. Ke diqeto dife tseo o di nkang letsatsi ka leng?

Pale ena e theilwe dirapotong tsa radiyo
ya RX. Radio ena ke ya inthanete ya bana.

Radiyo RX e haswa ho tswa Red Cross
War Memorial Children's Hospital
Motseng wa Kapa.

RX e thusa bana ho bua dipale ka ditaba
tse ba amang tse bohlokwa ho bona.

Ketelo seyalemoyeng sa RX



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Kopano ya lelapa

Author/s: African Storybook

Translator/s: Maria Vaz

Illustrator/s: Thulisile Shongwe

Assurer/s: Nthabiseng Tsatsi, Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

